

Headline	50 peratus tanah negara perlu diliputi hutan		
MediaTitle	Harakah		
Date	18 Apr 2016	Color	Black/white
Section	Supplements	Circulation	150,001
Page No	F4	Readership	450,001
Language	Malay	ArticleSize	671 cm <sup>2</sup>
Journalist	N/A	AdValue	RM 4,613
Frequency	Twice in a Week	PR Value	RM 13,839



# 50 peratus tanah negara perlu diliputi hutan

**S**AYA menyokong rang undang-undang ini sebagai menggantikan Akta Lembaga Penyelidikan dan Pembangunan Perhutanan Malaysia 1985, dengan harapan apabila rang undang-undang ini diluluskan, maka beberapa perkara penting saya berharap dapat kita capai.

Pertama, hasrat kerajaan dan masyarakat untuk memelihara hutan untuk mengekalkannya sekurang-kurangnya 50 peratus keluasan tanah negara diliputi pokok-pokok dan kawasan hutan. Sekarang ini kita tahu di seluruh Malaysia, berjumlah 18.27 juta hektar iaitu 55.32 peratus.

Jadi, saya yakin komitmen kerajaan dalam memastikan jumlah hutan akan dipertahankan atau boleh ditingkatkan melalui pelbagai langkah yang Yang Berhormat Menteri pernah sebut sebelum ini.

Walaupun saya kadang-kadang terfikir juga dalam kepala saya, apabila pembalakan terus berjalan, maka bagaimana untuk

kita mempertahankan 55 peratus itu ataupun kita meningkatkan lagi.

Umpamanya, komitmen kerajaan dalam mengekalkan hutan simpan, mewartakan kawasan tanah hutan kerajaan, mewartakan kawasan hutan yang diluluskan oleh negeri, menggantikan keluasan hutan yang dibangunkan dengan keluasan yang sama, meningkatkan kualiti kawasan hutan, melaksana aktiviti pemeliharaan, meningkatkan R&D sebagaimana kehendak dalam akta ini dan menyediakan sistem pemantauan hutan yang baik.

Dengan kajian dalam bioteknologi mungkin kita harapkan FRIM dapat menghasilkan benih hutan yang baik nanti. Tapi merujuk kepada akasia itu, saya difahamkan akasia ini, seperti yang saya sebut, ia boleh menyerap CO<sub>2</sub> yang lebih baik berbanding dengan banyak lagi pokok-pokok lain, umpamanya jati dan sebagainya. Nanti saya akan

sebutkan senarai ini.

Jadi, saya menghormati ataupun mengharap sangat bahawa cadangan untuk mewujudkan central spine ini dalam usaha untuk menjaga flora dan fauna ataupun hutan liar yang mungkin makin pupus dapat kita laksanakan.

Perkara yang kedua yang menjadi perkara penting juga iaitu keperluan kita memelihara hutan kerana terdapat kawasan tadahan air. Hutan mempunyai peranan besar dalam menyerap air dan menahan aliran terus ke sungai dan seterusnya ke laut.

Menteri juga menyebut kajian bahawa 18 peratus sahaja air yang dapat tangkap atau kita dapat tahan. Jadi kalau dengan adanya hutan yang tebal ataupun hutan yang baik, mungkin kita dapat menyerap, menahan lebih banyak air daripada pergi ke sungai dan ke laut.

Jadi saya berharaplah masalah yang timbul kata dibincang panjang itu, dari segi

federalism ataupun memusatkan bekalan air ini kepada pusat. Saya harap kerjasama di antara negeri dan pusat akan lebih baik dalam usaha memastikan bahawa bekalan air negara ini kita dapat jamin dengan baik.

Yang ketiga, hutan dan tumbuhan juga memainkan peranan penting dalam penyerapan CO<sub>2</sub> bagi mengatasi pelepasan gas rumah hijau. Kita tahu komitmen kerajaan untuk memastikan pengurangan pelepasan GHG kepada 45 peratus dalam tahun 2030 berbanding dengan tahun 2005 ini menjadi kenyataan.

Tapi, kalau berlaku aktiviti penebangan yang berleluasa, maka mungkin ia akan memberi kesan juga kepada penyerapan CO<sub>2</sub>. Dalam beberapa kajian saintifik, saya hendak bagi contoh, ada beberapa pokok, saya ambil banyak contoh pokok yang boleh menyerap CO<sub>2</sub> lebih baik.

Pokok trembesi atau nama saintifiknya Samanea saman yang boleh menyerap 28.5 tan

Headline	50 peratus tanah negara perlu diliputi hutan		
MediaTitle	Harakah		
Date	18 Apr 2016	Color	Black/white
Section	Supplements	Circulation	150,001
Page No	F4	Readership	450,001
Language	Malay	ArticleSize	671 cm <sup>2</sup>
Journalist	N/A	AdValue	RM 4,613
Frequency	Twice in a Week	PR Value	RM 13,839

carbon dioxide setahun. *Cassia* atau *Cassia* sp menyerap 5.3 tan per tahun. Kenanga atau *Canangium odoratum* menyerap 757 kilogram per tahun. Beringin atau *Ficus benjamina* menyerap 536 kilogram per tahun. Jati atau *Tectona grandis* menyerap 135 kilogram per tahun.

Jadi ini saya bagi contoh sahaja. Jadi kita mengharapkan, mungkin saya pernah baca kajian yang pernah dibuat oleh FRIM juga mengatakan bahawa satu hektar hutan boleh menyerap 6.2 juta tan carbon dioxide setahun.

Jadi, kita harap dengan adanya hutan yang lebih daripada 50 peratus ini, kita dapat membantu merealisasikan komitmen kita dalam Kyoto Protocol.

Yang terakhir yang menjadi tujuan utama akta ini ialah meningkatkan R&D dan commercialization produk R&D.

Saya melihat bahawa FRIM telah pun meletakkan landasan yang baik dalam bidang R&D perhutanan dan juga hasil hutan.

Sebagai contoh, kajian kepentingan menjaga persekitaran dan pemeliharaan biodiversiti hutan, kajian penanaman kayu bakau dan spesies lain di pesisiran pantai, kajian pemprosesan dan penggunaan sumber bukan kayu seperti rotan dan buluh, teknologi rawatan kayu menggunakan suhu yang tinggi, bioteknologi untuk menghasilkan benih pokok hutan yang baik dan lain-lain.

Jadi akhir sekali, saya berharap rang undang-undang ini dapat mengawal aktiviti penyelidikan hutan dan meningkatkan lagi R&D dan pengkomersialan supaya usaha kita untuk memelihara flora dan fauna juga akan menjadi kenyataan.



Setiap pihak perlu menjaga flora dan fauna dengan baik.

Headline	50 peratus tanah negara perlu diliputi hutan		
MediaTitle	Harakah		
Date	18 Apr 2016	Color	Black/white
Section	Supplements	Circulation	150,001
Page No	F4	Readership	450,001
Language	Malay	ArticleSize	671 cm <sup>2</sup>
Journalist	N/A	AdValue	RM 4,613
Frequency	Twice in a Week	PR Value	RM 13,839



**Malaysia sekarang mempunyai 18.27 juta hektar iaitu 55.32 peratus hutan, tetapi dengan pembalakan yang terus berjalan, bagaimana untuk mempertahankan 55 peratus hutan itu?**



**Penanaman kayu bakau dan spesies lain di pesisiran pantai perlu dipertingkatkan dalam usaha menjaga persekitaran dan pemeliharaan biodiversiti hutan.**

PETIKAN ucapan perbahasan Rang Undang-Undang Institut Penyelidikan Perhutanan Malaysia 2016, pada Mesyuarat Pertama, Penggal Keempat, Parlimen Ketiga Belas (2016) oleh Ahli Parlimen Hulu Langat, Dr Che Rosli Che Mat, pada persidangan Dewan Rakyat, Rabu, 6 April lalu.

Headline	50 peratus tanah negara perlu diliputi hutan		
MediaTitle	Harakah		
Date	18 Apr 2016	Color	Black/white
Section	Supplements	Circulation	150,001
Page No	F4	Readership	450,001
Language	Malay	ArticleSize	671 cm <sup>2</sup>
Journalist	N/A	AdValue	RM 4,613
Frequency	Twice in a Week	PR Value	RM 13,839

